

आकाशवाणी
खबरां सोनाली दत्ता कोला
पैहले खास-खास खबरां
Evening Dogri

News Bulletin

11-June .- 2026

- प्रधानमंत्री नरेन्द्र मोदी होरें जोर देइयै आखेआ जे विकसित भारत दे सुखने गी साकार करने दे सांझे जतन महत्वपूर्ण न- उ'नें नमीं दिल्ली च नीति आयोग दी 11मीं गवर्निंग काउंसिल दी बैठक दी अध्यक्षता कीती।
- सूचना ते प्रसारण मंत्री अश्वनी वैष्णव होरें आखेआ जे सरकार बन्ने आहले इलाकें च आकाशवाणी ते दूरदर्शन कवरेज गी मजबूत करने दा प्रयास करा'रदी ऐ। रजास्थान दे जैसलमेर च 20 किलोवाट दे एफ.एम ट्रांसमीटर दा उदघान किता।
- केन्द्र नै एथेनॉल मिश्रित पेट्रोल दी किश किस्में पर उत्पाद शुल्क यानि Exercise Duty माफ कीती।
- पैहले "Made in India" एअरबस सी-295 विमान ने बडोदरा थमां अपनी पैहली परीक्षण उड़ान पूरी कीती।
- अमरीकी हमलें दे मगरा ईरान नै जल डमरु मध्य गी बंद करने दी घोषणा कीती।
- ते दुनिया भर दे खेड्डु प्रेमी महीना-भर चलने आले फुटबॉल विश्व कप दा इंतजार करा दे न- कीजे अज्ज रातीं Meniw City च FIFA विश्व कप शुरु होआ रदा ऐ।

<><><><><><>

PM-NITI Aayog

प्रधानमंत्री नरेन्द्र मोदी होरें आखेआ जे दुनिया इसलै अनिश्चिता ते अस्थिरता दे दौर थमां निकला रदी ऐ। एदे बावजूद बी भारत पूरे भरोसे ते दृढ़ता कन्नै तरक्की आहली बत्ते पर चला रदा ऐ। एह गल्ल उ'नें अज्ज नमीं दिल्ली दे राश्ट्रभवन च नीति आयोग दी 11मीं बैठक दी अध्यक्षता करदे होई आक्खी। श्री मोदी होरें गलाया जे भारत अपने विकसित भारत दे सुखने गी पूरा करने लेई लगातार तरक्की करा'रदा ऐ ते इस सुखने गी पूरा करने लेई केन्द्र ते राज्य दोनं सरकारें रलियै जिम्मेदारी कन्नै कम्म करना लोडचदा। प्रधानमंत्री होरें इब्बी आखेआ जे मुलखै दे युवाएं लेई गुणवत्तापूर्वक शिक्षा, जरूरत मुताबक कौशल ते रोजगार दे अवसर प्रदान करना- म्हेशा सरकार दी प्राथमिकता रौहगा। उ'नें आखेआ जे भारत नै आर्थिक बढ़ौतरी ते निर्यात दे अवसर बधाने आस्तै केई सारे मुलखें कन्नै बपार समझौते किते न ते महिलाएं दे नेतृत्व च विकास "विकित भारत" दी आधार-शिला ऐ ते राई-बाई थमां लेइयै स्टार्ट-अपस ते साईस दे अविष्कारें तोड़ी महिलां बधी-चढ़ियै योगदान देआ रदियां न। इस बैठक च भारत च उद्योगशीलता- कौशल बधाने ते सतत रोजगार दे अवसरें गी बधाने लेई हीलें करने उप्पर जोर भरेआ गेआ। इस बरे दी इस बैठक दा विशे ऐ- Inclusive Human Development for Viksit Bharat @ 2047. यानी विकसित भारत @ 2047 लेई समावेशी मनुक्ख विकास। एदे च मुख्य बरै दे मुख्मन्त्री ते लैफ्टनेंट गवर्नर शामिल हे- जेडे समावेशी मनुक्ख विकास बारे गल्लबात करने लेई इक्ठे होए दे हे।

Vaishnav- FM Transmitter

केन्द्रीय सूचना ते प्रसारण मंत्री अश्वनि वैष्णव होरें अज्ज वर्चुअल ढंगै कन्नै राजस्थान दे जैसलमेर जिले दे रामगढ़ च इक 20 किलोवाट दा FM ट्रांसमीटर दा उदघाटन कीता। जयपुर दे आकाशवाणी परिसर च इक कार्यक्रम चला रदा हा- जिस दौरान उ'नें एदा उदघाटन किता। इस ट्रांसमीटर दे उदघाटन कन्नै पूरे जयपुर च हुन कुल 39 ट्रांसमीटर होई गे न ते एदे कन्नै रेडियो कवरेज हुन बन्ने आहलें इलाकें च 80 किलोमीटर रेडियस तगर होई जाहग- जेदे कन्नै लोकें गी शिक्षा सरबन्धी ते होर जानकारी मिलोग ते मनोरंजन दा साधन बी बनी जाग। इक सम्बोधन च वैष्णव होरें आखेआ जे कश्मीर थमां लेइयै कच्च तोड़ी सब्बनें बन्ने आहलें इलाकें तगर आकाशवाणी ते दूरदर्शन नैटवर्क गी मजबूत करने लेई सरकार विशेष तयारियां करा'रदी ऐ जेदा मकसद सब्बनें लोकें तोड़ी जरूरी सूचना ते जानकारी पुजाना ऐ। श्री वैष्णव होरें प्रसार भारती च पूरी चाहली बदलाव आने दी गल्ल कीती ऐ तां जे टकनॉलोजी दे इस दौर च रेडियो दा महत्व बने दा रवै। उ'नें मकामी कलाकारें दे प्रसारण मंच कन्नै तालुक बनाए रखने दे महत्व पर बी जोर भरेया। इस समारोह च जयपुर थमां सांसद मंथु शर्मा- प्रसार भारती दे चेयरमैन प्रसून जोशी आकाशवाणी दे डायरेक्टर जनरल राजीव कुमार जैन हुंदे समेत होर अधिकारी बी शामिल हे।

<><><><><><>

India Seafarers Dic.

पलाऊ दे झंडे आले जहाज MT Sette bello पर होई दी दुखद घटना दे मगरा शुरु च लापता दस्से गेदे त्रैवै भारतीय नाविकें दी हुन जान गोआने दी पुष्टी होई गई ऐ। ओमान दे कनारे दे कोल इक संदिग्ध अमरीकी मिसाइल हमले च इस टैंकर गी निशाना बनाया गेआ हा। इक सोशल मीडिया पोस्ट च केन्द्रीय बंदरगाह ते जलमार्ग मंत्री सर्वानंद सोनोवाल होरें आखेआ जे त्रैवै नाविकें दे शव बरामद करी लैत गे न ते उन्दी पंछान बी करी लैती गई ऐ।

<><><><><><>

Exercise Duty

सरकार ने एथेनॉल मिश्रित पेट्रोल दे किश प्रकारें Exercise Duty यानि आबकारी शुल्क माफ करी दिता। इक्क अधिसूचना च केन्द्रीय वित्त मंत्रालय नै घोषणा कीती जे 22 फीसदी- 25 फीसदी- 27 फीसदी ते 30 फीसदी एथेनॉल दे कन्नै मिले दे पेट्रोल गी केन्द्रीय आबकारी शुल्क थमां छुट्टी दिती गई ऐ ते ईंधन दी इनें चारें श्रेणियों पर हुन कोई शुल्क नेंई लगगोग। इस गैह दा मकसद सम्मिश्रण कार्यक्रम गी मजबूत करना ऐ- जेडा आयातित कच्चे तेल पर घट्ट निर्भर करदा ऐ- कार्बन उत्सर्जन च कटौती करने ते घरेलू स्तर पर उत्पादित एथेनॉल दी मंग गी बढ़ाने च मदद करदा ऐ।

<><><><><><>

TC-MP Resigns

तृणमूल कांग्रेस दे राज्यसभा सांसद प्रकाश चिक बराइक होरें राज्यसभा दी मिम्बरी परा इस्तीफा देई दिता ऐ। उ'नें अपना इस्तीफा राज्यसभा दे सभापति सी.पी. राधाकृष्णन होरें गी सोंपी दिता ऐ। बराइक होरें अपने इस्तीफे दा कारण पच्छिम बंगाल दी जनता आसेया बी.जे.पी गी दिते गेदे जनादेश

गी दस्सेया ऐ। त्रिणमूल कांग्रेस दे अंदर चलै करदे कला-कलेश दे मझाटे पिच्छले किश दिनें च इस्तीफा देने आहले ओ त्रीए राज्यसभा सदस्य ना। उन्दे शा पैहले सुष्मिता देव ते सुखेंदू शेखर राय होर बी इस्तीफा देई चुके देन।

<><><><><><>

Ind. Airbus-C 295

सिविल हवाबाजी सरबन्धि केन्द्री मंत्री राम मोहन नायडू होरें अज्ज गुजरात ते बडोदरा च मुलखै अंदर तयार पैहली एअर बस C-295 दी पैहली अजमैशी डोआरी पर खुशी प्रगट कीती ऐ। अपनी इक सोशल मीडिया पोस्ट च नायडू होरें आखेआ कि एह छड़ा इक जहाजै दा गासै च उडुना नैई ऐ- सगुआं एअर बस निर्माण च भारत दी बदधी छमता गी बी दर्शादा ऐ। उ'नें इस उपलब्धि लेई एअर बस, टाट एडवांस्ड सिस्टम्स, भारतीय वायु सेना दे कप्तान-कप्तानी सम्भनें इंजीनियरें, तकनीशियनं ते कर्मचारिणं दी सराहना करदे होई उनें'गी ममारकबाद ते भविष्य लेई शुभकामनां दितियां ना।

<><><><><><>

SC –Homemakers

घरेलू कम्मकाज गी पंछान देने सरबन्धी इक्क ऐतिहासिक फैसले च- सुप्रीम कोर्ट नै अज्ज आखेआ ऐ जे गृहणियां परोआरें ते पीढ़ियें गी आकार दिंदियां न ते उन्दी भूमिका “राष्ट्र निर्माता” दे रुपै च पंछाने जाने दे पात्र ऐ। उच्च अदालत नै फैसला सनाया ऐ जे सिडक हादसें च उन्दी मौत दे मुआवजें दी गणना करदे होई उन्दे घरेलू कम्म गी न्यूनतम 30,000 रुपे फही महीने दे रुपै च आंका जाना लोडचदा। न्यायालय दा आक्खना ऐ जे जेड़ी महिलां घर संभाल दियां न- उ'नें छड़ा गृहिणी नैई खोआना चाइदा- कीजे एह शब्द समाज च उन्दे योगदान गी घट्ट आंकदा ऐ।

न्यायमूर्ति संजय करोल ते न्यायमूर्ति एन. कोटिस्वर सिंह दी इक्क पीठ नै जोर पाइयै आखेआ जे दिक्खभाल ते घरेलू प्रबंधन सनें घर दा कम्म खरा मता आर्थिक मुल रखदा ऐ ते उच्च अदालतै दा आक्खना ऐ- ऐसा कम्म परोआरें दे कम्मकाज ते मानव पूंजी दे विकास लेई बड़ा गै जरूरी ऐ।

<><><><><><>

PM -Singapur Counterpart

प्रधानमंत्री नरेन्द्र मोदी होरें सिंगापुर दे प्रधानमंत्री लॉरेंस वॉंग न्यूजीलैंड दे प्रधानमंत्री Christopher लक्सन ते जापान दे साबका प्रधानमंत्री Fumio Kishida हुंदा उन्दे भारत दे सम्बनें शालम्बे कार्यकाल लेई प्रधानमंत्री बनने दी उनें'गी मुबारकबाद दिती- जेदे परते च श्री मोदी होरें उन्दा धन्नवाद कीता। बक्ख-बक्ख सोशल मीडिया पोस्टें राएं श्री मोदी होरे उनें'गी धन्नवाद किता ते आखेआ जे ओह सिंगापुर दे प्रधानमंत्री हुंदे कन्नै दवै मुलखै दी भलाई बेहतरी लेई ते व्यापक रणनीतिक सांझेदारी लेई रलियै कम्म करडन। उ'नें प्रधानमंत्री Luxon हुंदा उन्दी शुभकामनाएं लेई धन्नवाद कीता ते गलाया जे भारत ते न्यूजीलैंड बश्कार बपार समझौता दवै मुलखै दी सांझेदारी गी अगड़े बधाग।

<><><><><><>

US-Iran Attack

अमरीका नै लगातार दुआ रातीं उ'नें हमले गी अंजाम दिता ऐ जिनें'गी उन्ने ईरानी सैन्य बुनियादी ढांचे दे खलाफ आत्मरक्षा च किती गेई कार्रवाई दस्सेआ ऐ। पच्छिम एशिया च तनाव गी होर बधां दे होई जल डमरु मध्य दे कोल ईरानी सैन्य ठिकाने पर हमलें दी खबर मिली ऐ। बंदर अब्बास ते क्युशम द्वीय च ते ओदे आले-दोआले विस्फोटकें दी सूचना दिती गेई ऐ- कीजे टकराव इक खतरनाक चरण च शामिल होई गेआ ऐ। एदे जवाब च ईरान ने पूरे क्षेत्रें च केई अमरीकी सैन्य सुविधाएं पर मिसाइल ते ड्रोन हमलें शुरू करी दिते न। ईरानी सैन्य अधिकारियें जल डमरु मध्य गी बपार सरबंघ शिपिंग लेई बंद घोषित करी दिता ऐ ते चेतावनी दिती ऐ जे उत्थु निकलने दी कोश्ट करने आलें जहाजें गी निशाना बनाया जाई सकदा ऐ। एह स्थिती ईरानी सैन्य बुनियादी ढांचे पर हाल च हवाई हमलें दे बाद पैदा होई ऐ- जेदे कन्नै अंतराष्ट्रीय समुदाय च तनाव ते कूटनीतिक चर्चा तेज होई गेई ऐ।

<><><><><><>

FIFA World Cup

दुनिया भर च फुटबॉल प्रेमी महीना भर चलने आले फुटबॉल दे इस समारोह लेई तयार न- कीजे 2026 फीफा विश्व कप दी शुरुआत अज्ज रातीं मैक्सिको सिटी दे ऐतिहासिक Estadio अज़टेका च होआ रदी ऐ। विश्व कप दा एह संस्करण इतिहास च सब्बनें शा बड्डा होग- जेदे च टीमें दी संख्या 32 थमां बधाइयै 48 करी दिती गेई ऐ। मेजबान मुखें –अमरीका- कनेडा ते मैक्सिको दे बक्ख-बक्ख शैहरें च रिकार्ड 104 मैच खेड्डे जागंन- जिंदे च 72 ग्रुप Stage च ते 32 नॉकआउट राउंट च होगंन। त्रैवे मेजबान मुखे सिद्धा Qualifier कीता ऐ- जदके 45 बाकी टीमें दो साल दे मुश्कल Qualifier प्रक्रिया दे माध्यम कन्नै अपनी जगह बनाई ऐ। प्रतियोगिता च 4-4 टीमें दे 12 ग्रुप शामिल न। हर इक ग्रुप दी शीर्ष 2 टीमें 8 सर्वश्रेष्ठ त्रियें थाहर पर रौहने आहली टीमें Round of 32 च अगगे बदगन। टूर्नामेंट दे इतिहास च एह पैहली बार ऐ जंदू नॉकआउट चरण च 32 टीमां शामिल होगंन। ग्रैंड फिनाले 19 जुलाई लेई निर्धारित ऐ- जेडा फुटबॉल दे इस सब्बनें शा बड्डे जश्न दे रोमांचक समापन दा वादा करदा ऐ।

<><><><><><>

SMVD Yatra

रियासी जिले च त्रिकुटा दिएं प्हाड़ियें च वाका श्री माता वैष्णो देवी जी दे दरबार च इ'नें दिनें बड़ी मती गर्मी दे बावजूद श्रद्धालुएं दा भारी रश बने दा ऐ। इस म्हीने पैहले हफ्ते च गै 4 लक्ख कोला मते यात्रु पवित्र गुफा च मत्था टेकी चुके देन। मुख्य भरै च इ'नें दिनें स्कूलें कालजें च छुट्टियां न ते गर्मी दे चलदे हर कोई प्हाड़ें आहली बक्खी रुख करना पसंद करदे न। श्री माता वैष्णो देवी श्राइन बोर्ड दे मुख कार्रकारी अधिकारी सचिन कुमार वैश्य होरें दस्सेआ कि अजे धोड़ी 4 लक्ख कोला मते श्रद्धालु यात्रा करी चुके दे न ते एह गिनतरी होर बदधी जा करदी ऐ।

<><><><><><>

Katra Forest Fire

रियासी जिले च अज्ज कटडा कश प्हाड़ियें पर जंगलै च अगग लगगने कारण चिंता आहली स्थिति बनी गेदी ऐ- किजे उत्थै रिहाइशी इलाके बी हैन। मैहकमा जंगलात- अगग स्थालने आहला अमला ते मकामी स्वयं सेवी बी अगग पर काबू पाने लेई जारी कारवाई च लगगे दे न। हासल जानकारी मुजब कटडा ते एहदे कन्नै लगगदे इलाके थमां अगग दे भाबंड दूरै तगर नजरी आवा'रदे न। अधिकारियें दा आखना ऐ कि अगग गी फैलने थमां रोकने लेई मशक्कत जारी ऐ। अजें धोड़ी कुसै जानी नुक्सान जां कुसै सम्पत्ति गी नुक्सान पुज्जने दी कोई खबर नेंई ऐ। होर ब्योरे गी बलगेया जा रदा ऐ।

<><><><><><>

Cyber Criminals-Advisory

केन्द्र सरकार नै साइबर अपराधियें आसेआ सुरक्षा प्रणालियें ते माली बुनियादी ढांचे पर बध्द खतरे गी लेइयै चेतावनी जारी कीती ऐ। गृह मंत्रालय दे मतैहत भारती साइबर अपराध समन्वय केन्द्र आसेआ जारी चेतावनी मुजब साइबर अपराधी माली ते व्यक्तिगत धोखाधड़ी लेई A.I दी मदद कन्नै झूठे Deep Fake वीडियो बनाइयै उन्दा बड्डे पैमाने पर इस्तमाल करा करदे न। इनें तकनीकें दा गलत इस्तमाल चेहरे दी पंछान, तस्दीक, वीडियो K.Y.C प्रक्रियाएं, माली ते डिजिटल सेवाएं लेई कीता जा'रदा ऐ। आमतौरा पर एह साइबर अपराधी सोशल मीडिया प्लेटफार्म, जॉब पोर्टल, डेटिंग प्लेटफार्म जां फोन काल करियै सम्पर्क करदे न। सरकार नै फिनटेक कम्पनियें सनें माली संस्थानें गी डीपफेक दा पता लाने दे तंत्र गी मजबूत करने ते ग्राहक ऑनबोर्डिंग प्रणालियें गी बेहतर बनाने दी बी सलाह दिती ऐ।

<><><><><><>